

赤炭樓的哀怨

逐日我按妳的面前行過
真早著已經熟似的面
深深收佇我的記智
雖然妳無對我招呼曳手
我猶原會用心跳量咱的愛情

不免及妳約會我了解妳的身世
妳予紅毛仔佔有的身體
妳予龍仔放生創治的心情
妳予日頭曝甲黑乾瘦的性地
我猶原會用心神量妳的貞節

逐日我按妳的面前行過
雖然咱只有用目珠來駛目尾
我猶原會用心肝量出咱的愛
親像一粒燒甲紅紅紅的煤炭
咧魚咱被人凌遲的運命